



UNIVERSITÄTS-  
BIBLIOTHEK  
PADERBORN

**Directo-||rvm Exercitio-||rvm Spriritva-||livm P. N.|| Ignatii**

**Acquaviva, Claudio**

**Ingolstadii, 1592**

**VD16 A 125**

Capvt VIII. De Fundamento.

---

[urn:nbn:de:hbz:466:1-60966](https://nbn-resolving.de/urn:nbn:de:hbz:466:1-60966)

annotationibus, nempe primā, & quīntam, & ex decimaseptima illam admodum nitionem de animo aperiendo, item ex viginti id quod dicitur de vtilitate secessus in loco separato. Quod etiam opportunitatem ei dabit, vt moneat exercitantem de iis, quæ supra ca. 2. diximus eum esse monendum, cum ea tamen dexteritate, quam ibi diximus, nempe vt non omnia simul, sed quantum prudētia dictabit.

Annotatio autem illa ante fundatum, quæ incipit, In primis, expediet magis hoc tempore, vt non propinatur ita in genere, quando quis incipit exercitia, sed in discursu exercitorum, si quid dubium, vel obscurum, occurrat aut ob aliquam exercitantis difidentiam, videatur opportunum, tunc ei explicari poterit.

### *De Fundamento.*

#### CAPVT VIII.

PRIMVS INGRESSVS in hanc primam hebdomadam fit per considerationem vltimi finis, quæ consideratio ideo dici-

dicitur Fundamentū, quia est basis  
totius ædificij moralis, & spiritualis. Po-  
test autem diuidi in tres partes, primo  
in finem propter quem homo creatus  
est. secundo in media ad consequen-  
dum hunc finem. tertio in difficulta-  
tem eligēdi hoc, vel illud medium, cum  
ignoremus quid magis aptum sit ad hu-  
ijs finis consecutionem, omnis autem  
error in hac parte non possit esse non  
damnosus, & periculosus. Ex quo na-  
scetur etiam quartum, vt homo ponat  
se in illa omnimoda indifferentia, & æ-  
quilibrio. Hæc autem indifferentia est  
maximi momenti, & admonendus est  
exercitans, quanto altius hoc funda-  
mentum iecerit, tanto firmius futu-  
rum ædificium; idque etiam indicauit  
Pater N. Ignatius annot. decimaquin-  
ta, & decimasexta ex viginti.

In danda hac meditatione maxime,  
quia nonnullis cum nondum assueue-  
rint orationi videri potest aridior, addi  
poterunt aliquæ excursiones ad medi-  
tandum, vt in eo quod dicitur creatum  
esse hominem, potest simul cogitari à  
Deo esse creatum de nihilo, & simul

C 7                   quot,

quot, & quanta in creatione habuerit,  
& præterea quomodo semper ab illo iū  
esse conseruetur. Sed horum consi-  
deratio non tam dirigenda est ad gra-  
titudinem , vt fit cum considerantur  
beneficia Dei , verum ad scopum huius  
fundamenti , nempe , quòd illa omnia  
à Deo data sint , vt perueniremus ad il-  
lum vltimum finem. Vnde etiam po-  
test homo in hac meditatione refle-  
ctere cogitationem ad seipsum , quo-  
modo hactenus habuerit se ad finem ,  
& ad media , quantum aberrauerit ,  
quòd creaturis abusus sit , quæ illi adiu-  
mento esse debuerunt ; vt iam quasi in  
generali iaciat fundamenta ad cognos-  
cendam deformitatem vitæ suæ , quod  
postea vberius , & magis particula-  
riter faciet in meditatione peccato-  
rum.

In meditatione huius fundamenti  
liber exercitiorum non præscribit cer-  
tas horas , vt fit in exercitiis sequenti-  
bus , sed vt facili initio inchoemus , v-  
nusquisq; pro viribus , & pro deuotione  
sua ad id tempus sibi assumat , vel si o-  
pus sit , Instrutor ei præscribat .

Debet

Debet autem curare ut cognitio huius veritatis, quæ in fundamento tractatur, quam maxime menti infigatur, quoniam ut fundamentum fabricæ totam ipsam sustinet, ita hæc veritas influit in omnia exercitia, & præsertim in ipsam electionem status, quæ tota fere hinc pèdet, & ideo quo melius hæc meditatio successerit, eo etiam melius reliqua succedunt.

*De duplice examine.*

CAPVT IX.

**D**VM DV RAT M E D I T A T I O fundamenti debet Instructor exercitatem aliquoties visitare, & semper ei aliquid noui in scriptis afferre, quia sic videtur quodammodo leuari tædium, & melius etiam percipi quæ singula proponuntur.

IGITVR in primo congressu post datum fundamentum datur examen particulare, in quo tradendo significandum est ei, in quovis homine vnum, aut alterum vitium siue peccatum esse solere præcipuum, & quod in eo sit quasi